

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Breviarium Einsidlense - Cod. Ettenheim-Münster 38

[S.l.], 1788

Die 6. Novembris. S. Leonardi conf. Lectio V.

[urn:nbn:de:bsz:31-108133](https://nbn-resolving.org/urn:nbn:de:bsz:31-108133)

*Canticū. Beatus vir, qui in sapientia morabitur: **

Homilia in Evangelium: Sint lumbi vestri præcincti. Missa: Os iusti. De Comuni. Conf: non Pont: cum Oratione, propria.

Die 6. Novembris.

S. Leonardi ~~Abbas~~ Conf.

Lectio V.

*Leonardus sub Anastasio Imperatore claris, et magnæ apud Clodovæum Regem dignitatis, et auctoritatis ortus Parentibus, terrenâ Regis militiâ perquam honoratâ, amore coelestiû spre-
tâ in ipso adolescentiæ robore ad Spiritualis militiæ castra sub Beato Remigio stipendia fac-
turus confúgit, à quo cum primis didicit ope-
ribus misericordiæ nihil in hac vita pulchrius,
nihil suavius, nihil Deo, hominibusque gratius.*

esse: horum igitur studio tantum proficiebat, ut fama eius miro proeconio celebraretur: oblatos quoque à Rege honores declinans Aureliam contendit.

R. Honestum. pag: 144.

Lectio VI.

Cœlesti deinde monitus oraculo in Aquitaniam commigravit, ubi, quoniam recens adhuc erat Christiana Religio, nefariæ superstitionis reliquæ in multorum pectoribus relictae hærebant. Ut igitur Vir Dei eas profligaret, dictis, factisque Christum annuntians, magnos faciebat fructus. Fugabat daemones; surdos, claudos, cæcos, et morbidos — quoscunque ad Ipsum venientes verbo curabat.

R. Amavit eum. pag: 146.

Reginam quoque ipsam illo tempore ex partu cum mortis doloribus conflitantem à Rege humiliter rogatus, mox suis ad Deū precibus partūs difficultate liberavit. Tanto beneficio gavisus Rex, Leonardo munera alia recusanti nemus donavit, in quo vitam, quam animo elegerat, solitariam degere posset, ubi Oratorium nomine Nobiliacū erexit.

Rx. Iste homo. pag: 148.

Lectio VIII.

Latere autem ipsum summa eius virtus non patiebatur; sed plurimi ex longinquis ad Eum venere regionibus, sola nominis eius invocatione è vinculis et carceribus liberati, compedes et catenas ad eius pedes devotè abiicientes; quos ipse, sicut et alios omnes coe-

154.

lestis disciplinae amatores, ex variis locis ad
ipsum confluentes complectens, in timore
Domini educabat, fovebatque virtutum splen-
dore eximio. Plenus denique meritis, et
virtutibus, ac miraculorum gloria Octavo Idus
Novembris Anno Domini quingentesimo quin-
quagesimo obdormivit in Domino.

R. Desiderium. pag: 150.

In III. Nocturno.

Lectio IX.

Lectio Sancti Evangelii secundum
Mathæum.

In illo tempore dixit Simon Petrus ad IESUM: ecce nos reliquimus omnia, et secuti sumus te, quid ergo erit nobis? et reliqua.

*Tom: 2.
Serm: 9. de
S. Bened.

Homilia Beati Petri Damiani Episcopi.*

Iam omnia reliquit Petrus, iam non solum se.

quitur, sed diu secutus est: et nunc primùm
interrogat, quidnam sit accepturus; quid est
Petre? nonne obedientiam promisisti in au-
ris auditione, non in pacti conventionem?
Sed audite iam, quid loquatur Dominus Deus,
et attendite spem, in qua, mundo fluctuante,
sperare debemus. Amen dico vobis, quòd
vos, qui reliquistis omnia, et secuti estis me,
in regeneratione, cùm sederit Filius hominis
in sede maiestatis suæ, sedebitis et vos iudi-
cantes. Infinita prorsus dulcedo miserationū
Domini circa pauperes suos; nec illos reliquit
in morte, pro quibus morti seipsum expo-
suit et tormentis.

R. Iste est, qui ante. pag. 28.

Lectio X.

Vos inquit, qui secuti estis me, in regeneratione.

cùm sederit Filius hominis in sede maiestatis suæ, sedebitis et vos iudicantes. Quid est hoc aliud dicere, nisi consequemini, quæ sequimini, si tamen persequimini, sicut scriptum est: inquire pacem, et persequere eam. Sic ergo currite, ut comprehendatis, et mereamini consedere. Exultavit ut gigas accurrendam viam, toto utique tempore, quo in terris vilus est, et cum hominibus conversatus; nec resedit, donec ad eum perveniret, quem ipsum constituit laboris, et tristitiæ finem; tristis est, inquit, anima mea usque ad mortem.

R. Sint lumbi. pag: 29.

Lectio XI.

Ergo cùm sederit Filius hominis in sede maiestatis, qui priùs stetit in ignominiosissimo

supplicio crucis, interrogatus contumeliis, pariter et tormento, sedebitis et vos iudicantes à quibus nunc iudicium incipit, qui minime datis requiem vobis ipsis: sicut et Ille non iudicare, sed iudicari, nec ministrari venit, sed ministrare. Illic verè sedebunt sedes in iudicio. Filius enim Dei Salvator indivisibili naturarum unitate, secundum quod Deus est, sedet à dextris Dei; secundum quod homo, assistit nunc vultui Dei pro nobis; nec erit ei sessio triumphalis, donec sit Deus, omnia in omnibus, id est corpus capiti tanta pace iungatur, ut simus ei similes, etsi non pares.

R. Beatus vir. pag: 30.

Lectio XII.

Adhuc enim negatur à Iudæis, à Gentibus sublannatur, laceratur ab hæreticis, à fallis christia-

158.

nis graviter impugnatur, et tu eum putas
residere quietum, nec attendere superbo-
rum oculos, malignantium impetus, repug-
nantium voluntates? Sed in regeneratio-
ne sedebit cum sedentibus, cum nos in sin-
cerissimum nitorem, in utraque substantia
repurgabimur, et ipse devictis inimicis cum
amicis intrabit in gloriam, angelos homini-
bus unitate sempiterna coniungens, et dam-
na beatæ resarciens civitatis. Hoc autem
totum erit in regeneratione. Beata ista re-
generatio, quæ terram renovabit, et cœlum;
terrigenas cœlicolis foederabit, et perpetuæ
pacis fontem indefessa profluxione refundet.

R. O beati Viri. pagina 32.

Missæ Os iusti. de Communi Abbatum.
